

Reglement De 3-kes Parade



Wae mei wilt doen aan de Parade van De 3-kes, wuurt verzoch zich te halde aan onderstaond reglement.

- 1** De 3-kes Parade vindt plaats op de zaoterdaag ein waek veur de Vastelaovend. Verzamele is tösse 11.00 en 11.45 oor. Parade-deilnemers waere in dit tiédbestek beej kefee Take Five (Parade 62) verwach. De Parade is tot 12.00 oor toegankelijk veur bestummingsverkier. Ôg hoèghede kinne oétstappe beej ôzze roeie lauper. 't Verzeuk is auto's vervôlges örges anders te parkere in de binnestad. Misschien kint geej de auto neerzette in de buurt van de lokasie wao de Prinsefoto van dagblad De Limburger wuurt gemak.
- 2** Aan De 3-kes Parade meug slechts ein gemotoriseerd voertuig mei doen. Dao steit de onbekinde Nar op. Alle deilnemers Paradere dus te voet, 333 maeter euver de Parade. Onderwaeg zien d'r 3 sfeerpunte: Kefee De Lange, kefee Rhummery the Rub en kefee Brouwersplaats.
- 3** Oétdeile van snoepgood aan publiek meug.
- 4** 't Is neet toegestaon um beej 't opstelle (kefee Take Five) of tiédes de route (Parade en Jorisstraat) confetti of andere feesversiering oét te goeie.
- 5** 't Is meugelik um zelf ein geluuédsinstallasie (mit microfoon) mei te neme. Let waal op mit 't geluudsniveau as d'r ein muziekgezelschap veur of achter ôg löp.
- 6** 't Is neet toegestaon um drank mei te neme tiédes de 333 maeter paradere. Glaaswerk, plastik baekers, blikkes en fesse zien verbaoje.
- 7** Deilname aan de De 3-kes Parade kin allein plaatsvinde mit goodkeuring van de organisasie en de toéwiézing van ein plek aan de stoet. De 3-kes is verantwoordelik veur de samestelling van de stoet.
- 8** Vanaaf kefee de Locomotief geit de route via de Jorisstraat nao 't Stadhoes. Heej meuge de hoèghede van de gezelschappe de parterre van 't stadhoes in. Alle andere minse wuurt gevraog plaats te neme op de mert. Heej kin onder andere gekeke waere nao de hoèghede Parade op de catwalk.
- 9** Deilnemers aan de Parade waere gevraog um de aanwiézing van de organisasie en de begeleiding op te volge, zoéwaal veur, tiédes en nao 't Paradere. Punte wao dit reglement neet in verzuuét, waere beslis door de organisasie.

't Wuurt op priés gesteld as deilnemers aanwezig blieve op de mert as de bekindmaking van de Groët-Venloosche Nar plaatsvindt.